



Anders Olsen, Siumut inatsisartut@inatsisartut.gl

Anders Olsen, Siumut
Inatsisartunut ilaasortaq
inatsisartut@inatsisartut.gl

**Qaqortup mittarfiata ammareernerani Kalaallit Nunaata kujataani
assartuussinissaq pillugu § 37 naapertorlugu apeqquteqaammut 2026-001-imut
akissut**

Dato: 03-02-2026
Sagsnr.: 2026 - 355
ID. nr.: 79599620

Asasara Anders Olsen

Inatsisartut suleriaasianni § 37 naapertorlugu Qaqortup mittarfiata ammareernerani Kalaallit Nunaata kujataani assartuussinissaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Qaqortumi mittarfissaq atulerpat kujataani qulimiguulimmik
kiffartuussinerit ingerlaannassasut Naalakkersuisut qulakkeerusuppaat?**

Akissut: Qaqortup mittarfiata ammareernerani Kalaallit Nunaata kujataani qulimiguulimmik angallassinertit eqqarsaatigalugit angallassinermi suliassaq 7H tunngavigalugu Air Greenland A/S-imut ukiumut ataatsimut isumaqatigiissusiornissaq siunnerfigineqarpoq. Isumaqatigiissut angalanissanut pilersaarummik, mittarfiup atulernerata kingunerisaanik Kalaallit Nunaata kujataani angallasseriaatsip allanngorneranut naleqqussakkamik imaqaassaaq.

Allaffeqarfiga Air Greenland A/S-imit neqeroorummik tigusaqaqqammerpoq, maannarpiarlu ukiumut ataatsimut isumaqatigiissusiassamut piumasaqaatit inaarutaasut aalajangersarneqarnissaat siunnerfigalugu ingerlatseqatigiiffik oqaloqatigineqarpoq.

Tamatuma saniatigut 2026-mi angallassinermi suliassamut 7H-mut kiffartuussinissamut isumaqatigiissut ukiumi ataatsimi atuuttussaq 2027-mi naappat isumaqatigiissutissaq 2030-p naanissaata tungaanut atuuttussaq tamanut ammasumik neqerooruteqarfigitinneqassaaq.

**Apeqqut 2: Qaqortumi mittarfissaq atulerpat nunatta kujataani innuttaasut
angallannikkut kiffartuunneqarnerat ajorseriaateqannginnissaa qulakkeerniarlugu
imaatigut silaannakkullu angallassinertit ingerlaannarnissaat qulakkeerniarlugu
Naalakkersuisut sulippat?**

Akissut: Silaannakkut angallassinermut tunngatillugu apeqqut nr. 1-imut akissut innersuussutigineqarpoq.

Imaatigut assartuussineq eqqarsaatigalugu Namminersorlutik Oqartussat Kalaallit Nunaata kujataani imaatigut angallassineq pillugu Disko Line-mut kiffartuussinissamut


isumaqatigiissuteqarpoq (angallannermi suliassaq 7C: Kalaallit Nunaata kujataa"), taannalu 2030-p naanissaata tungaanut atuuppoq. Kiffartuussinissamut isumaqatigiissummi allassimasutut Qaqortup mittarfiata ammareernerani angallasseriaatsimik allannguinnissaq, angalanissanut pilersaarummik iluarsisamik ilaqartinneqarluni eqqarsaatigineqarpoq.

Apeqput 3: Nunatta kujataa eqqarsaatigalugu kiffartuussinissamik isumaqatigiissutit nutarternissaannut suliaq sumut killippa aammalu qaqugu isumaqatigiissut naammassineqarnissaa Naalakkersuisut naatsorsuutigaa?

Akissut: Apeqput 1-imut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede